

BOSNA I HERCEGOVINA
FEDERACIJA BOSNA I HERCEGOVINE
TUZLANSKI KANTON
Kantonalna uprava za inspekcijske poslove
Tuzla

Broj predmeta: 17/3-05-000553/14

Ur.broj akta: 10314-0004

Datum, 26.02.2014. godine

Mjesto, Tuzla

Na osnovu člana 18.,19., 21.,22.,23. i 24. Pravilnika o postupku raspolaganja, čuvanja, prodaje, uništenja i doniranja privremeno i trajno oduzete robe i predmeta u inspekcijskom nadzoru („Službene novine TK“ broj: 1/13), Kantonalna uprava za inspekcijske poslove Tuzlanskog kanona raspisuje:

PONOVNI O G L A S
o prodaji putem usmenog javnog nadmetanja

Predmet usmenog javnog nadmetanja je prodaja oduzete robe u cjelokupnoj količini i to:

LOT 1. Ugalj ukupne količine od 63.420 kg, procijenjene vrijednosti od 4.279,00 KM, (što je i POČETNA CIJENA), a isti je naveden u specifikaciji po Rješenjima kantonalnih tržišno-turističkih inpektora po količinama, cijenama i ukupnom cijenom. U cijenu je uračunat PDV

Roba iz LOTA 1. se može pogledati na separacija Rudnika Dubrave, Živinice, uz telefonsku najavu na telefon 035/282-951, 282-952 (kontakt osobe Hodžić Šefik, Hadžiefendić Damir i Šerifović Ekrem).

Roba se kupuje u viđenom stanju, te se naknadne reklamacije neće razmatrati.

Prodaja robe će se obaviti putem usmenog javnog nadmetanja.

Ročište za usmeno javno nadmetanje održat će se i kad prisustvuje samo jedan ponuđač.

Postupak prodaje robe sprovest će se pred komisijom Kantonalne uprave za inspekcijske poslove TK-a.

Svi učesnici javnog nadmetanja dužni su dokazati svoj identitet ličnom kartom ili nekim drugim ličnim dokumentom kao i dokumentovati pravo na zastupanje.

Prijave za učešće putem usmenog javnog nadmetanja za kupovinu robe dostavljaju se neposredno Komisiji za sprovođenje postupka usmenog javnog nadmetanja ili putem pošte, do časa početka usmenog javnog nadmetanja.

Pravo učešća u javnom nadmetanju kao kupci imaju sve pravne i fizičke osobe registrovane kod nadležnog organa, kao i fizička lica- građani, koje uz ponudu u Kantonalnoj upravi za inspekcijske poslove Tuzlanskog kantona polože osiguranje (depozit) na blagajni Ministarstva finansija TK-a. Osiguranje iznosi jednu desetinu objavljene početne cijene robe i uplaćuje se neposredno prije otpočinjanja nadmetanja, s tim da iznos osiguranja na može biti manji od 100,00 KM, za svaki lot posebno. Robu ne može kupiti postupajući inspektor, kao ni ostali zaposlenici Uprave, članovi Komisije koji učestvuju u postupku prodaje, njihovi supružnici, niti s njima povezane osobe (preci, potomci, braća i sestre). Na dan nadmetanja, učesnik u javnom nadmetanju, prije početka prodaje, Komisiji, podnosi dokaz o datom osiguranju, u protivnom neće imati pravo učešća u javnom nadmetanju.

Prodaja robe će se izvršiti najpovoljnijem ponuđaču za svaki LOT posebno.

Ponuđaču koji ne bude proglašen kupcem, uplaćeno osiguranje (depozit) će biti vraćen odmah po zaključenju javnog nadmetanja, a najpovoljnijem ponuđaču nakon izvršene uplate za kupljenu robu.

Kupac robe je dužan da izvršiti bezgotovinsku uplatu za robu na odgovarajući račun budžeta Kantona ili Federacije Bosne i Hercegovine, a koji će mu biti predodčen od strane Uprave, i preuzeti kupljenu robu u roku od 5 (pet) dana od dana uplate.

Ponuđač sa najvećom ponudom će platiti cijenu za kupljenu robu odmah nakon objavljivanja rezultata prodaje, a najkasnije u roku od 24 sata od momenta objavljivanja rezultata objave. Ukoliko ponuđač ne plati odmah, drugi ponuđač će biti proglašen kupcem i platit će cijenu koju je on ponudio i tako redom.

Sve troškove u vezi sa kupovinom robe snosi kupac i isti nisu uračunati u kupoprodajnu cijenu.

Ponuđač u javnom nadmetanju koji odustane od plaćanja i preuzimanja robe, gubi pravo na povrat osiguranja (depozita).

Usmeno javno nadmetanje i proglašenje najpovoljnije ponude bit će objavljeno pet dana od dana objave oglasa i održat će se dana **03.03.2014. godine (ponedjeljak) u 12,00 časova**, u prostorijama Kantonalne uprave za inspekcijske poslove Tuzlanskog kantona (sala za sastanke), Rudarska 72, Tuzla.

Kantonalna uprava za inspekcijske poslove TK-a zadržava pravo da prihvati u potpunosti, odbije svaku ponudu ili poništi usmeno javno nadmetanje, ukoliko se radi o neozbiljnim ponudama i koja nije u skladu sa članom 24. Pravilnika o postupku raspolaganja, čuvanja, prodaje, uništenja i doniranja privremeno i trajno oduzete robe i predmeta u inspekcijskom nadzoru („Službene novine TK“ broj: 1/13), te ne snosi nikakvu odgovornost prema ponuđačima, niti je obavezna objasniti razlog takve odluke.

Ovaj oglas će biti objavljen u dnevnom listu „Oslobođenje“ sa kojim Kantonalna uprava za inspekcijske poslove ima sklopljen Ugovor o poslovnoj saradnji za 2014. godinu, na internet stranici Kantonalne uprave za inspekcijske poslove TK-a www.kuiptk.ba , na internet stranici Vlade Tuzlanskog kantona www.vladatk.kim.ba link (DIREKCIJE, **UPRAVE** i JU) i oglasnoj tabli u sjedištu Uprave, u Tuzli, Rudarska 72.

Kantonalna uprava za inspekcijske poslove Tuzlanskog kantona